



صورة الخطيب في الأحلام في حالة فشل الارتباط بالزواج

أ.د/ عادل كمال خضر

أستاذ علم النفس الإكلينيكي والتحليل النفسي

عميد كلية الآداب - جامعة بنها

أهلاً دكتور عادل أحب أن أعرفك بنفسى أنا اسمى عيبر ٢٤ سنة ، بكالوريوس تجاره ، مش مرتبطة ولا مخطوبة ولا متجوزة ، من أسرة مستواها فوق المتوسط كان ليا تجربة حب فاشلة من حوالي أربع سنين ومن بعدها محدش دخل حياتى ولا حاولت أدخل حد حياتى ، وحتى لو حد دخلها بيخرج منها بسرعة أوي من غير أسباب .

أنا معظم أصدقائى وقرابى اللى فى سننى اتخطبوا واتجوزوا من حوالي ٣ أو أربع سنين وأنا

لسه زى ما أنا ، وموضوع الارتباط ده لا يشغل تفكيرى لأنه كان مصدر قلق وألم ليا فى الفترة اللى فاتت كلها ، الموضوع ده غير فى كثير وكسر قلبى ومبقتش أحب اتطرق ليه أبداً وخصوصاً إن أنا مش ناقصنى حاجه والحمد لله وخايفة أتسرع أندم بعد كده ، لأنى بقيت بخاف من أى حاجه وكل حاجه ، وحاسه إن كل الألم النفسى اللى حصل لى كان بسبب ارتباطى الأولانى خصوصاً إن الشخص اللى كنت مرتبطة بيه اتجوز بعد انفصالنا وعاش حياته عادى وكأن شيئاً لم يكن .

أنا يا دكتور عندي مشكله كبيبييرة أوي وهى إنى بحلم كثير زيادة عن اللازم بحلم تقريبا كل يوم 🙄 ، والمشكلة الأكبر إن أنا بقيت مهووسة بأن كل حاجه حلم بيها بترمز لشيء معين وأن الحلم هيتحقق وده بصراحة مآثر على حياتى بشكل سلبي لأن أصلاً الأحلام دي بتكون مجرد هلاوس فى عقلى

الباطن بس إصرارى إن لياها معنى هو ده اللى بيديها قيمة .

الحلم :

آخر حلم حلمته يا دكتور كنت بدور فيه على " شيشب " ، وكانت كل الشيشب فى الحلم يا إما مش عجبانى ، يا إما تكون فرده واحد ، وفى آخر الحلم خرجت حافيه ، وعلى باب الشقة لقيت شيشبين محطوبين جنب الباب ، الشيشب الأولانى لونه فضى وهو موجود عندنا فى البيت فعلا والثانى أصفر فيه سيور وبيلمع ، اخترت الأصفر لكن مش فاكهه إنى لبسته لأنى مشفتوش فى رجلى فى الحلم والحمد لله خلص الحلم على كده ..

أنا عايزه أعرف إيه دلالة الشيشب فى الحلم وإيه معنى الألوان ؟ أنا سمعت إن الحذاء والشيشب بيرمزوا لنصيب الإنسان وليهم علاقة بالخطبة والزواج ، أما الألوان فليها عدة تفسيرات من عدة نواحي بس أنا مفهمتش حاجه منها

بصراحه 🙄 ، أرجو الإفادة 🙏 ولسيادتك مني
أحلى تحيه 🌹 وشكراً جزيلاً 🙏 .

التفسير :

- الأحلام ليست مشكلة في حد ذاتها ، فجميعنا نحلم يوميا ، غير أننا ننسى محتوى الأحلام .
- الحلم فعلاً له معنى ، وهو مهم في معرفة ما بداخل نفوسنا وليس لأن ننشغل بكونه سيتحقق مستقبلاً .. فقد يتحقق واقعياً بناء على رغبة بداخلنا ، وأمنية لدينا نسعى لها دوماً كي نحققها .. وقد لا يتحقق لأمر تمنع ذلك في الواقع .
- أما آخر حلم لك فهو يعكس انشغال داخلي لديك بزواج المستقبل ، ورمز له في هذا الحلم بالشبشب ، والشبشب مش عجاكي (بمعنى أن الرجال الذين تقدموا لك ليسوا في مستوى ما تطمحين إليه من حيث الهيئة العامة ..) أو فاردة

واحدة (بمعنى لهم مميزات في ناحية وهناك نقص في ناحية أخرى ..) وفي آخر الحلم خرجت حافيه على باب الشقة (حيث لم ترتبني حتى الآن ..) .

- ولقيتي شبشبين محطوبين جنب الباب (ربما آخر خطيبين تقدموا لك) الأولاني لونه فضي وهو موجود عندنا في البيت فعلاً (ربما يدل على رجل من نفس العائلة أو الشارع اللي أنت ساكنة فيه) والثاني أصفر فيه سيور وبيلمع .. اخترت الأصفر لكن مش فاكره إني لبسته لأنني مشفتوش في رجلي في الحلم (ربما يكون لك طموح في الارتباط بشخص له هيئة أجنبية ، أو فيه مواطن جمال شكلية أو ميزات شخصية غير عادية تطمحين إليها) ..

- وعموماً فإن دلالة الرموز في الحلم تشير إلى أن لديك نظرة دونية للرجال .. فرمزية

الشبشب تدل على شيء يحط من قدره ويداس عليه بالقدم ، وربما أن هذه النظرة الدونية جاءت كرد فعل لخبرة الحب الفاشلة وزواج حبيبك من أخرى وعدم الاهتمام لأمرك .. وتصوير الرجال بالشبشب بمعنى كونهم كثير وسهل الحصول عليهم فليس أكثر من الشبشب بالأسواق وليس أحط منها كذلك ، فهي سباب أيضاً حيث تؤدي أن تقولي لحبيبك أنت شبشب لا أكثر من ذلك ، وأنا ألبسك في رجلي وتكون تحت قدمي فليس لك قيمة .. ألبسك في أي وقت وأخلعك في أي وقت ، وتم التعميم ذلك على كل الرجال .. فجميعهم شبشب (وخاصة بعد صدور قانون الخلع) .

خالص تحياتي

أد. عادل كمال خضر

E. mail : adelkhedr@fart.bu.edu.eg

This document was created with Win2PDF available at <http://www.win2pdf.com>.
The unregistered version of Win2PDF is for evaluation or non-commercial use only.
This page will not be added after purchasing Win2PDF.